

Lim-chiah e oe-seng kap eng-iong
2 ke-chi e oe-seng kap eng-iong

Ke-chí ê òe-seng kap êng-ióng Lūn ké-chí.

Ké-chí tú-hó sèk ê sī put-chí hah lāng ê lō-ēng, in-ūi hām iàu-kín ê khòng-bút-chit. Chóng-sī in-ūi koe-lō chōe-chōe hô-sîn sī chin kiaⁿ-lāng ê óah-mih, só-í koe-lō-piⁿ í-keng pak-phê ê ké-chí bôh-tit chiáh, kiaⁿ-liáu sī í-keng bak-tiòh hô-sîn ê lâ-sâm. Nā chiáh kiám-chhái òe piⁿ pak-lāi ê pīⁿ. Tī chhù-lāi pak phê liâm tong-sí chiáh sī khah ún-tàng.

Ké-chí nā bē sèk lāng lâi chiáh kiaⁿ-liáu òe tì-kàu pak-tó thiàⁿ sòa làu-sià. Kò gín-á ê lāng iàu-kín tiòh sió-sim lâi tî-hông chit ê tãi-chì. Ké-chí bô chap hūn sèk ê sī thang ēng tām-pòh thng kap chúí lâi chú kàu liòh-á nōa, án-ni chiáh i chiū bōe lī-hāi.

Thiⁿ-sī sio-jóah chiáh ké-chí put-chí háp, tók-tók tiòh put-sī tî-hông hô-sîn. Tē 95 chat òe lūn i khah siông-sè.

85. Téng-bīn í-keng kóng hiâⁿ-hé nā bô thiⁿ chhâ hé òe hoa khi, chhin-chhiūⁿ án-ni lāng ài óah tek-khak tiòh chiáh. Kiám-chhái phòh-pīⁿ kúi-nā jít bô chiáh, m̄ kú bōe liâm-piⁿ siau chin sán che sī cháiⁿ-iūⁿ? Sī in-ūi tui seng-khu hó-hó ê sī só bat chek-chū ê liáu òe thiu chhut lâi ēng. Hiah ê liáu ēng liáu ê sī, koh lāng iū-gôan bô chiáh chiū òe siau-sán, khah kú bô chiáh chiah gō sí.